

## Meje Po Carte Pablo Tatina, Efeso Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonaefeso tomarapiwi*

<sup>1</sup> Xan, Pablon, pacata tinatsi. Nacom necana exana xua Cristo Jesús pia peitorobi jiwi jiwana tatsin xua bapon peichichipaexae. Pacata tinatsi pomonaepam pomonaepiamonaepamxaem, pomonaepajinompame Efeso tomaratha. Paxam beta xanepanaya pajume cowanteibame Cristo Jesús xua Nacom caemonae painya nepaca exanaexae Cristo Jesustha. <sup>2</sup> Barabunacom, pon Waxa irun Jesucristo, pon jiwi Pecanamataxeinaein, baponbe paca yawenaena pia paca necaantobexae. Matautano barabun baponbe peburayajuntema jinompa paca cana exanaena.

*Meje yabara xua poxonae Nacom wanaca yawenaewa, wanaca antobexae*

<sup>3</sup> Barabun waxainchi tsipaebatsi Nacomtha, Jesucristo Wanacanamataxeinaein, pia Nacom tatsi xuano xua Paxa tatsi. Jeichichi: “Nacom maisa pajuntu coyene weiweinan jinya pata taneyawenaewaxaem”, jeichichi. Daxita waxainchi Nacom caemonae wanaca cana exanaexae Cristotha, daxota Nacom naca yawena. Nacom bara tsitecaeya naca cata daxita carepaya rejuntu coyenein po rejuntu coyenein

xeina pia nacuatheicha. Bapo jũntũ coyenein naca catsiba xua wanantawenonaewatsi xua wanaca ajũntũcoyenesũ exanaenexa beta xua Nacom watsita jinompaenexatsi. <sup>4</sup>Caena bayatha pewũnaeya xua poxonaenacua forotsina, Nacom naca wũn duba xua piamonaenacua tatsi wanaca exanaenexa tsane poxoru Cristo caemonaenacua wanaca exanaewa tsane bapontha. Mataũtano Nacom naca wũn duba xua bichocono watsita jũntũ coyene xanepanaenexa tsane bapon xua mataũta jopa watsita natsicuentisiwatsi tsane xua abe waexanaexae bapontha. <sup>5</sup> Nacom pia wanaca antobewaxae caena bayatha naca yabara nanta cui yapu weta xua pia pexui tatsi wanaca cana exanaewa tsane. Baxua Nacom naca cana exana xua pocotsiwa Jesucristo pia wanacata exanaexae. Nacom ichichipa exana baxua petsita xanepanaexaetsi. <sup>6</sup> Daxota barabũ Nacom wũnae jainteibatsi pon bichocono pexeinya coyenewa exana poxonaenacua yawena wanaca antobexae. Mataũtano Nacom bichocono wanaca antobexae amanaya daxitatsi caemonaenacua cayawa exana Pexantotha, po Pexanto bichocono antobe. <sup>7</sup> Nacom pia pin wanaca antobexae naca capanenebiya exana abe waexanaenacua cuiru coyenein weya. Nacom tsitatsi xua jopa watsita natsicuentisiwatsi xua abe waexanaexae, yawa naca cayabara cui jũntemaina barapo cui. Baxua exana poxoru Nacom Pexanto tatsi jana pichapabarena poxonaenacua bexotsi, poxonaenacua abe waexanaenacua cuiru coyene naca yabara tsitũpa naetotha. <sup>8</sup> Nacom naca tsita itapeinya xeina xua bichocono jopa juniya naca antobeyo. Mataũtano

naca cana exana xua wayabara yaputaewatsi bapon. <sup>9</sup> Nacom bayatha exana pocotsiwa xua caena bayatha juntucuru exana. Nacom naca yaputane exana xua wayaputaewa pocotsiwa bapon moya yawun xeina xua jiwi jopa yabara yaputaeyo po coyene xua bapon ichichipa peexanaewa. Baxua xua pocotsiwa moya yawun xeina caena bayatha Nacom juntucuru nanta xeina xua Pexanto peitorobiwa tsane po cae pin nacuathe tsique pon pewun Jesucristo. <sup>10</sup> Caena bayatha Nacom cayabara nanta xeina pocotsiwa xua exanaena. Barapo coyene exanaena po coyene xua daxita caetutsina pocotsiwan Cristo pecanamataxeinaewa tsane picoya xua xuan peitabocotha piawan xuano xua xuan po irathe piawan. Baxuan exanaena poxonae jopaena barapo matacabi xua poxonae po mataqueitha Nacom ichichipa beexanaena baraxua.

<sup>11</sup> Daxita po coyenein Nacom exana, bapon exana po coyeneya xua ichichipa. Daxota caena bayatha Nacom pana wun duba pata tanaexanaewa tsane piamonae tatsi poxoru Cristo caemonae wanaca exanaewa tsane bapontha. Daxita pocotsiwan xua Nacom pana cana exana caena bayatha bapon tsiwanaya juntucuru nanta xeina xua exanaena baxuan tsipei Nacom exana daxita xua pocotsiwan tsita wunaetsi. <sup>12</sup> Paxan, judiomonae pan, pomonae pan xua copiya pawunaewatan xua Cristo pepatopaewa tsane. Barabun daxota Nacom bichocono wunaewatan pajainchin pexeinya peitupanaewa peexanaeinxae. <sup>13</sup> Pocotsiwa xua pexainyei jume diwesi, barapo diwesi

apara Nacom pia pecapanenebiyae diwesi tatsi. Poxonae barapo pexainyei jume diwesi pajume taneme Nacom paca cana exana piamonae tatsi painya nejume cowantsixaem Cristo painya nepaca capanenebiyaenexa. Bapoxonae Nacom tsita itapeinya xeina xua paxam piamonae tatsi pam poxonae paca cata pia Pejumope t̃nax̃ tatsi. Bayatha Nacom yabara paca tsiw̃nae muxu duta xua pinae paca catsina barapo pia Pejumope t̃nax̃ tatsi. <sup>14</sup> Nacom pia Pejumope t̃nax̃ tatsi naca cata wanaca bar̃ poponaenexa. Baxua naca tsita itapeinya xeina xua daxota xaniwaicha yaputainchi xua bexa ichawan xua Nacom naca catsina pocotsiwan yabara naca tsiw̃nae muxu duta xua naca catsina. Nacom baxua exanaena poxonae daxita cana exanaena piamonae tatsi, pomonae daxita bewa jume cowantsina Jesucristo. Bapoxonae jiwi w̃nae jainchina Nacom bichocono pexeinya peit̃panaewa peexanaeinxae.

*Meje yabara poxonae Pablo Nacomtha taw̃ca pomonae pejume cowantsi jiwi xua Nacom yaputane pecana exanaewa tsane barapomonae pomonae pejume cowantsiwi*

<sup>15</sup> Paca yabara jume tainchi xua paxam pinae beta pajume cowantame Jesús, pon jiwi Pecanamataxeinaein. Matautano paca yabara jume tainchi xua pinae beta paantobem pomonae ir̃ pejume cowantsiwi. <sup>16</sup> Daxota ataya pacata w̃queibatsi Nacom, janje: “Nacom maisa j̃nt̃ coyene weiweinan xua Efeso tomarapiwi neyawenaewa, pomonae necajume

cowantsiwi”, jan. <sup>17</sup> Wɥcan Nacom, Jesucristo Wanacanamataxeinaein, pia Nacom tatsi, pon Waxa pon bichocono pexeinya peitɥpanaewa peexanaein. Wɥcan xua painya nepaca cacatsinexa pia Pejumoƨe tɥnaxɥ tatsi painya neyaputaewa tsane pocotsiwan xua xainyei xua Nacom yabara. Mataɥtano wɥcan xua painya beta neyaputaeronaenexa Nacom. <sup>18</sup> Nacom wɥcan xua painya neyaputaenexa painya jɥntɥ coyeneintha. Baroxonae paca itacɥpaena xua payaputaename pocotsiwa Nacom yabara paca tsiwɥn duba xua painya nexeiaenexa pocotsiwa yabara paca tsiwɥnae muxu duba. jMaisa bichocono jopa juniyiyo xua pocotsiwa Nacom catsina pomonaetha pomonae pia pejume cowantsi jiwitaxaetsi pocotsiwa bapon jɥntana jeba barapomonae! <sup>19</sup> Mataɥtano wɥcan xua painya neyabara yaputaewa tsane Nacom pia peayapusɥ itorobi coyenewa, po peayapusɥ coyenewa bichocono wɥnae xua jopa wetsiyo. Barapo peayapusɥya itorobi coyeneyatha Nacom naca yawena wajume cowantsiwixae. <sup>20</sup> Barapo peayapusɥ itorobi coyenewa jɥpa po peayapusɥ itorobi coyenewatha Cristo asɥ exainchi petɥpae cuiru coyene weya xua Nacom exana. Barapo pia peayapusɥ itorobi coyenewatha Nacom Pexanto cuareta pia pecoxa weya xua peitabocotha xua Pexanto ainya cui cana exana. <sup>21</sup> Nacom Pexanto cana exana xua Jesucristo toxeincha canamataxeina pomonaetha daxita pomonae ichamonae canamataxeinatsi itabocotha, mataɥtano xua barapo cae pin nacuathe. Mataɥtano bapon canamataxeina daxita

pomonaetha pomonae nacuan peewatsiwi, barichino pomonaetha pomonae piamonae pematacaponaewichi. Cristo canamataxeina pia peayapusu itorobi coyenewatha, po peayapusu itorobi coyenewatha bichocono ayapusu beyacaincha ichamonae pia peitorobi coyenewan tatsi. Po wun xua Jesucristo xeina xua “Cristo”, jeichichi barapo wun yabara matawun dutatsi pia peexanaewa. Barapo wun bichocono peainya cui wun, beyacaincha ichamonae pewunxi, po wunxi xua yabara matawun dubatsi xua peexanaewa pomonae anoxuae jinompa iru pomonae bexa jinompaenano. <sup>22</sup> Nacom exana xua daxita coyenewantha Cristo itoroba pia peayapusu itorobi coyenewatha. Matautano Nacom exana xua Cristo daxita pepa pecanamataxeinaein piamonae daxita pomonae pejume cowuntsiwixaetsi. <sup>23</sup> Pomonae pejume cowuntsiwi Cristo barapomonae be bara Cristo pia pepon tatsi tsipei Cristo cana exana xua barapomonae caemonae naexana bapontha. Dapocotsiwa ajibi pocotsiwa Cristo petaseicaewatsi tsipei nantauta pomonae pejume cowuntsiwichi. Barichi dapocotsiwa ajibi pocotsiwa petaseicaewatsi pomonae Cristo pejume cowuntsiwichi tsipei Cristo ataya tsitecaeya baru popona barapomonae daxita nacuantha.

## 2

*Meje yabara poxonae xua Nacom naca capanenebiya, wanaca antobexae*

<sup>1</sup> Copiya bayatha poxonae jopa pajume cowantsim Nacom bichocono abe paexana dubenanaebiyame. Matauta pajumefebame Nacom poxoru paxam be pomonae pewerapaewi pam jopa painya yawa jinompaexae Nacom pia Pejumope t̄nax̄ tatsi. <sup>2</sup> Bayatha jopa xapain painompaem. Painompame icha barapo cae pin nacuathepiwi ichi xua bichocono abe exana dubenanaebiya. Paexaname bayatha xua caurimonae pia pentacaponaein tatsi painya nepaca cui itorobixae. Bapon canamataxeina caurimonae po caurimonae jinompa itabocotha barapo nacue matatsuntha xua beyano Nacom pia nacua beicha tatsino. Barapo caurimonae pia pentacaponaein tatsi, pomonae Nacom jumefebatsi, barapomonae j̄nt̄ coyene itorobatsi xua abe peexanaewa tsane. <sup>3</sup> Caena bayatha waxainchi barichichi exana dubenanaebiyatsi barapocotsi coyenein xua abe. Exainchi pocotsiwa xua ichichipatsi xua waj̄nt̄ coyenewa naca cui itoroba xuano xua wapepon naca cui itoroba. Tsipei waxainchi jiwichi xua yacuiya naexanatsi xua abe waexanaewa, daxota bayatha Nacom anaya nanta xeina xua naca atene exana icha ichamonae ichichi xua atene exanatsi abe peexanaexae. <sup>4</sup> Daichitha Nacom jopa juniya naca matateicaeyo xua wanaca yawenaewa bichocono wanaca antobexae. <sup>5</sup> Bequein poxonae cataunxuae bichocono abe exana dubenanaebiyatsi waxainchi, xua daxota be pet̄paewi jinompatsi abe waexanaexae, bapoxonae Nacom naca yawena. Baraxua be bapon naca bar̄ aj̄nt̄coyenes̄ xua

Cristo wanaca cana exanaexae xua caemonae naexainchi bapontha. Nacom naca capanenebiya saya apara poxoru wanaca antobexae. <sup>6</sup> Wajume cowantsixae Jesucristo, waxainchi Nacom tsitatsi xua apara be bara bayatha bapon naca asu exana petupae coyene weya icha Cristo Jesús ichichi xua asu exanatsi petupae coyene weya. Matautano waxainchi tsitatsi xua apara be bara bayatha naca exana xua waenaewa ichaxota Cristo Jesús eca pia nacuatheicha. <sup>7</sup> Nacom juntucuru baxua exana petsita itapeinya xeinaenexa xua xeina pia pin peantobe coyenewa xua waxainchi nexa xua daxita maticabintha tsoponae tsane. Nacom naca tsita itapeinya xeina xua bichocono naca antobe poxonae naca exana xua caemonae naexanaeinchi Cristo Jesustha. <sup>8</sup> Tsipei Nacom paca antobe daxota paca capanenebiya poxonae pajume cowantame bapon. Apará jopa baxua painya coutha paexanaem, apara Nacom jame baxua amanaya paca cana exana. <sup>9</sup> Nacom apara jopa baxua paca cana exanaeyo xua painya nenacuichixae. Icha paca itacupa xua poxonae payabara nacuichipame xua painya nepaca capanenebiyaenexa bapoxonae be painya neatsacae jiwí pam tsipae xua poxonae ichantha pajam: “Beta paexanan daxota Nacom pana capanenebiya”, pajam. <sup>10</sup> Nacom naca exana xua pena juntu coyenewatha jinompatsi Cristo Jesús nexa xua beta xanepanaya waexaneibinexano bapon nexa poxonae jinompatsi. Caena bayatha baxuan Nacom yabara nanta xeina xua naca juntu coyene cana cui weta exana xua po coyeneya waxainchi beta wataexanaewa tsane ichamonae.



*Meje yabara po j̄nt̄u coyenetha Nacom naca cana exana xua j̄nt̄ema wajinompawa caemonae wanaexanaexae Cristotha*

<sup>11</sup> Poxonae panaexaname jopa panaexanaem judiomonae. Paxam pomonae jopa judiomonae painya nenaexanae jiwixaem pana nacui yabara j̄nt̄anainare xua eta po jiwi pamda caena bayatha poxonae jopa pajume cow̄nt̄sim. Judiomonae paca yabara jei: “Barapomonae jopa pewi thabiwichi xua ichaxota pia penareixacaenaewa xua petsita itapeinya xeinaewa tsane xua barapomonae Nacom piamonae”, paca yabara jei. Judiomonae pia coutha nayabara jei: “Waxainchi pomonaetsi, pomonae naca wi thaba xua ichaxota wanareixacaenaewa watsita itapeinya xeinaewa tsane xua Nacom piamonaetsi”, nayabara jei. Barapo pewi thabi coyene xua ichaxota pebiwi penareixacaenaewa saya jiwi pia coya nacanātsiya exana. <sup>12</sup> Bayatha barapo dapaetha poxonae cataunxuae jopa pajume cow̄nt̄sim jopa Cristo payabara yaputaem. Matātano paxam be painya nenanapaincha jinompaewi pam xua icha nacua werena painya neponaewi xua jopa Israel nacuapiwi jiwana pam. Po petsiw̄nae yabara muxu dutsi coyewewan xua Nacom juntucuru nanta xeina xua caemonae naexana piamonaetha, xua judiomonaetha, barapo coyenein apara jopa paxam nexa. Matātano pajinompame barapo cae pin nacuathe ichitha jopa paw̄nae ewatsim xua pocotsiwa xua w̄nae xua Nacom exanaena paxam nexa cataunxuae jopa painya nejume

cowantsixae. Tsipei jopa painya neyabara yaputae jiwi pam Nacom. <sup>13</sup> Ichitha anoxuae Cristo Jesús paca exana xua caemonae pana naexaname bapontha. Paxam pomonae bayatha jopa Nacom painya nejume cowantsi jiwi pam xua jopa painya yabara yaputaexaem bapon. Ichitha anoxuae pajume cowantame painya neyabara yaputaexae Cristo Jesús, pon naetotha painya abewan paca yabara tsitupa, poxonae jana pichapabarena poxonae bexotsi. <sup>14</sup> Cristo meisa bapon naca cata po juntu coyenewatha xua ichamonaetha xuya jntema jinompa exanatsi. Cristo exana xua caemonae naexana pomonae xua judiomonae iru pomonae jopa judiomonae naexanaeyo. Cristo cui weraweraca exana po juntu coyenein xua judiomonae iru pomonae jopa judiomonae naexanaeyo penaaitafaetabi jiwi naexana xua saya be caemonae penaexanaewa tsane. Baxua exana poxonae naetotha tsitupa jiwi. <sup>15</sup> Poxonae Cristo naetotha tupa bapoxonae bapon cana exana xua Moisés pia peitorobi coyenewa tatsi jopa equeicha xeinaeyo peayapusu itorobi coyenewa xua jiwi peitorobiwatsi pocotsi coyenein jiwi bewa exanae. Bapon Cristo cana exana xua barapomonae Cristo caemonae pebaru naexanaewa tsainchi pomonae xua copiya pia peaitafaetabi jiwixaetsi. Poxonae Cristo baxuan cana exana bapoxonae barapo bicheitomonaebe jntema nabarun jinompa cana exana. <sup>16</sup> Petupaexae naetotha Cristo exana xua equeicha barapomonaebe jopa nabiyo. Matautano bapoxonae Cristo naita coxone exana xua barapomonaebe jntema pejinompaewa

Nacomtha xua icha be jopa ichiyo xua poxonae copiya jinompa xua Nacom pia peaitafaetabi jiwichi. Cristo exana xua barapomonaebe Nacom caemonae exainchi.

<sup>17</sup> Cristo patopa po cae pin nacuathe tsique. Bapon daxita paxam paca tsipaeba Nacom pia pexeinya jume diwesi tatsi. Barapo jũntũ coyenewatha jiwi equeicha caewa Nacom ita coxonatsi xua Nacom jũntema petsita jinompaewa tsainchi. Daxita paxamtha paca tsipaeba barapo diwesi pomonaetha irũ pam pomonae copiya jopa Nacom payabara yaputaem, xua pomonae jopa judiomonae pam. Irũ tsipaebatsi pomonae yatsicaya judiomonae pomonae Nacom yaputainchi pejume cowũntsixae. <sup>18</sup> Cristo jiwi petsitũpaexaetsi abe pia peexanae coyenewan tatsi daxota Nacom pia Pejumope tũnaxũ tatsi yawena xua pomonae judiomonae irũ pomonae jopa judiomonae naexanaeyo be caemonae naexanabe xua cae axa xeina, bapon Nacom. <sup>19</sup> Daxota anoxuae jopa be painya nenanapaincha jinompaewi pam xua be icha nacua werena painya neponaewi. Paxam irũ ichamonae pomonae Nacom pejume cowũntsiwirũ be pomonae cae nacuapiwi pam. Paxam Nacom piamonae jiwana tatsi pam. <sup>20</sup> Poxonae ba jiwi Nacom pin pia bo acaba copiya matha beta noba po iboton xua iratha tabũ caumena. Nexata beta nota po iboto xua ainya cui xua po iboto bo daunweya babatanota po iboto xua epataũta botabiya. Bapoxonae nanta cajejebabapona icha iboton, xua pepa bo exana. Icha pebiwi ichi poxonae

bo acaba, Nacom piamonae bara cana jɔtsiya cana ichi. Pomonae Cristo pia peitorobi jiwi tatsi irɯ pomonae Nacom pia peitorobi jume pepaebiwi barapomonae be bara pocotsi iboton xua tabɯ caumena tsipei barapomonae copiya paca cuiduba Nacom Pejume Diwesi tatsi. Irɯ Jesucristo be barapocotsi ainya cui iboto po iboto daunweya babatanota po iboto epataɯta botabiya, tsipei Cristo paca yawena xua painya nejume cowɯntsiwa bapon. Irɯ paxam be po iboton xua jiwi nanta cajejebabapona, pomonae penanta carubenaе jiwi pam, tsipei cotacaya painya nejume cowɯntsixae. <sup>21</sup> Cristo piamonae bara cana jɔtsiya ichiya cana exana, icha po iboto ichi xua ainya cui xua bo daunweya babatanota exana. Cristo pon jiwi Pecanamataxeinaein, exana xua piamonae tatsi pinmonae tsoponae xua xanepanaya caemonae nabarɯ jijinapona, pomonae Nacom tsita jɯntɯ coyene xanepanatsi. <sup>22</sup> Poxonae jiwi weta barapo pin bo, bapoxonae cana exana xua barapo bo apara Nacom pia bo tatsi ichaxota Nacom popona. Nacom paca cana exana xua paxam irɯ daxita ichamonae pomonae irɯ pejume cowɯntsiwi Nacom, caemonae pana naexaname xua Nacom pia Pejumope tɯnaxɯ tatsi pia paca barɯ jinompaenexa icha Nacom ichi xua pia pin botha popona.

### 3

*Meje yabara poxonae Nacom Pablo itorobatsi xua pecueicueijejiwa Nacom Pejume Diwesi pomonaetha pomonae jopa judiomonae naexanaeyo*

<sup>1</sup> Xan, Pablon, jiwi pecubi botha ecan yabara tanatsipei cueicueijeixae Cristo Jesús poxonae bapon yabara tapaca cuidubiwatsi pomonaе pam jopa judiomonaе panaexanaem. <sup>2</sup> ¡Bara pajume taneme xua Nacom necata barapo tatanacuichiwa xua inta bichocono wunaе! ¡Nacom neitoroba tana neantobexae xua tapaca cuidubinexatsi tapaca yawenaenexatsi! <sup>3</sup> Nacom itata xua po coyene xua moya yawun xeina po coyene xua Nacom capanenebiyaena jiwi xua jiwi copiya jopa yabara yaputaeyo. Nacom neyaputane exana barapo coyene xua moya peyabara cui yawun xeinaewa po coyene bexa exanaena xua jiwi jopa yabara yaputaeyo. Baxua bayatha yabara pacata tinatsi xua imoxoyo diwesi tsecae. <sup>4</sup> Poxonaе barapo carte payorobiname payaputaename xua bara xan yaputan po coyene xua Cristo moya yabara cui yawun xeinatsi po coyene xua bexa Nacom exanaena xua jiwi jopa yabara yaputaeyo. <sup>5</sup> Bayatha jiwi jopa yaputaeyo po coyene xua Nacom Cristo moya yabara cui yawun xeinatsi po coyene xua Nacom exanaena. Ichitha anoxuae Nacom pia Pejumope tunaxu tatsi baxuan yaputane cana exana pomonaetha pomonaе pia coya Nacomtha nacana exana xua Nacom petanacuichiwa tsainchi pomonaе Cristo Jesús pia peitorobi jiwixae tatsi, matautano Nacom pia peitorobi jume pepaebi jiwitha tatsi. <sup>6</sup> Meje baxue xua pocotsiwa moya peyawun xeinaewa: Pomonaе jopa judiomonaе naexanaeyo barapomonaе iru xeinaena po coyene xua Nacom cata judiomonaetha po coyene bichocono wunaе xua bayatha Nacom

juntana jeba. Barapomonaе pomonaе jopa judiomonaе naexanaeyo Jesucristo pejume cowantsixaetsi caemonaе nanaexana pepa judiomonaetha pomonaе iruru Cristo Jesús pejume cowantsiwixaetsi. Barapomonaе iru xeinaena po coyene Nacom yabara tsiwanae muxu duta judiomonaetha xua Cristo Jesús yabara. Barapomonaе pomonaе jopa judiomonaе naexanaeyo daxita baxuan iru xeinaena poxoru jume cowantaruru Nacom pia pecapanenebiyae diwesi jume.

<sup>7</sup> Nacom neitoroba xua tacueicueijejwa barapo pexeinya jume diwesi amanaya tatanacuichixae Cristo. Nacom necata barapo tatanacuichiwa pia tana neantobexae xua tayawenaewa tsane ichamonaе. Matautano Nacom necata pia peayapuru itorobi coyenewa xua tacueicueijejwa tsane barapo pexeinya jume diwesi. <sup>8</sup> Pomonaе xua be conotha ainya cui xua Cristo piamonaе tatsi barapomonaе ainya cui beyacaincha xua xan. Daichitha Nacom necata barapo tatanacuichiwa xua inta bichocono wunaе. Nacom neitoroba xua tacueicueijejwa tsane pia pexeinya jume diwesi pomonaetha pomonaе jopa judiomonaе naexanaeyo. Cueicueijan po pexeinya jume diwesi xua Cristo bichocono peantobexae jopa juniya yawenaeyo barapomonaе pomonaе jopa judiomonaе naexanaeyo. <sup>9</sup> Matautano Nacom neitoroba xua daxita jiwitha yabara yaputane taexanaewa tsane po coyene xua Nacom exanaena bexa tsane, po coyene Nacom moya yawun xeina. Barapo coyene Nacom

pon daxita peforotsin, caena bayatha moya nayawun xeina xua jiwi jopa peyaputaewa tsane xua pocotsiwa bapon exanaena. <sup>10</sup> Anoxuae Nacom yaputane exana matatsunpiwi, pomonae itoroba itabocotha, matautano pomonae pecanamataxeinaewa itabocotha. Barapomonae Nacom yaputane exana pocotsiwa bapon moya yawun xeina caena bayatha xua jiwi jopa yabara yaputaeyo. Barapo itabocopiwi nacuiduba xua bara Nacom bichocono yaputane daxita carepaya coyenewan. Baraxua yaputane poxonae tane xua pomonae judiomonae matautano pomonae jopa judiomonae naexanaeyo daxita barapomonae caemonae naexana pejume cowantsiwichixaetsi Cristo Jesús. <sup>11</sup> Nacom exana baxua icha be pocotsi coyeneya caena bayatha yabara nanta xeineibapona. Bapon baxua exana Jesucristo pon Wanacanamataxeinaein petupaexae naetotha. <sup>12</sup> Naca itacupa xua watsipaebiwatsi Nacom wajume cowantsixae Cristo. Waxainchi yaputainchi xua bapon bara naca jume tane caemonae wanaexanaexae Cristotha, daxota cui tsacatsacapiya watsipaebiwa Nacom. <sup>13</sup> Daxota jopa ichichipaeinyo xua paajuntacoyenerewiya jinompame xua ichamonae atene tana neexanaexae paxam nexa. Ichitha jame bewa baxua paichichipaem tsipei baxua jame paca yawena.

*Meje yabara xua Cristo jiwi peantobewatsi*

<sup>14</sup> Poxonae yabara nanta xeinan xua po coyenewa xua Nacom exana bapoxonae tantabocototha uncuan xua tatsita itapeinya

xeinaewa tsane xua baru cui itura jinan Waxa pon itabocotha pepoponaein. <sup>15</sup> Daxita Nacom piamonae pomonae pejume cowantsiwichi, pomonae itabocopiwi iru pomonae po irathepiwi, daxita barapomonae Nacom tsitatsi xua barapomonae be caemonae naexana. Bapon daxita barapomonae paxa tatsi. <sup>16</sup> Nacomtha pacata wucatsi. Tsipei Nacom pexeinaexae peitaboco beicha pocotsiwa jopa juniyiyo xua bichocono wunaе daxota jan: “Nacom care Efeso tomarapiwi xua bichocono jinya neayapusu itorobi coyenewa. Barapomonae nejumopetha juntu coyene daunweya jinompa exande. <sup>17</sup> Barabu Cristo baru poponeibina barapomonae pejume cowantsixaetsi. Barabu barapomonae bichocono antobe jiwi bichocono pejuntu coyene yucaewaxaetsi peantobe coyenewa. <sup>18</sup> Barabu barapomonae beta yabara yaputaena Cristo pia peantobe coyenewa tatsi xua iruru daxita ichamonaeru yaputaena pomonae pejume cowantsiwi. Barapon Cristo pia peantobe coyenewa tatsi bichocono ayei xainto juntu coyenewa. <sup>19</sup> Cawucatsi Nacom xua barapomonae barabu yaputaena barapo coyene po coyene Cristo pia peantobe coyenewa tatsi, xua po peantobe coyenewa ayei xainto juntu coyenewa xua jiwi jopa itacupaetsi xua peyabara yaputaewa. Cawucatsi xua barapomonae nejuntu coyene yuca exanaenexa daxita jinya nejuntu coyenewatha.

<sup>20</sup> “Wunaе cajaintatsi poxoru caitacupa xua bichocono pata tana neyawenaewam beyacaincha xua pata tacawucaewatsi, xuano beyacain-



cha pata nanta xeinaewa. Baxua painta exaname poxonaе jinya neayapusu itorobi coyenewa nacuita pata juntu coyenewatha. <sup>21</sup> Barabu daxita pomonaе pejume cowuntsiwi pomonaе caemonaе naexana Cristo Jesustha wunaе cajainchina xua ataya petsitecaeponaewa tsane. Je bara ichi tsane”, jan xua pacata wucatsi Nacomtha.

## 4

*Meje yabara xua Nacom pia Pejumope tɯnaxɯ tatsi cana exana xua caemonaе naexana Nacom piamonaе tatsi*

<sup>1</sup> Tatanacuichixae Jesucristo pon jiji Pecanamataxeinaein daxota jiji neeta jiji pecubi botha. Pecono jumetha paca muxuwetatsi xua beta xanepanaya painya nejinompaewa xua Nacom itapeta painya nepaca wun dubixae painya nejume cowuntsixae bapon icha be pocotsi coyeneya xua Nacom tsita xanepanatsi.

<sup>2</sup> Ita ururanaya pajinompeibare xua jopa painya neatsacaewa tsane. Matautano jume xanepanaya nantiya pana natsipaebeibare xua jopa paantutsaxande. Matautano saya jopa paaitaconaeinde xua daxota junteма painompaename poxonaе bequein ichamonaе abe pacata exana. Matautano patsita itapeinya xeinare xua nantiya pana nacui yabara antobem pocotsiwa bequein jopa pana nacui coyene jupaem. <sup>3</sup> Nacom pia Pejumope tɯnaxɯ tatsi paca cana exana xua caemonaе painya nenaexanaewa tsane. Daxota peajuntucoyenesuwatha paexande daxita coyeneya xua caemonaе junteма painya

nenabarũ jinompaewam tsane. <sup>4</sup>Paxam pomonae painya nejume cowũntsi jiwixae Cristo Jesús daxota caemonae paca exana. Bequein daxita carepaya paxam barompaya paxeiname Nacom pia Pejumope tũnaxũ tatsi, ichitha barapo pejumope saya bara caein. Nacom yabara paca wũn duba xua daxita paxam painya nexeiñawa tsane cae coyenewa xua po coyene pebũrũya pana nabarũ wũnae ewatame pocotsiwa xua bexa Nacom exanaena. <sup>5</sup>Mataũtano bara caein pon jiwi Pecanamataxeinaein. Mataũtano cae coyenewa xeinatsi po coyenewa xua wajume cowũntsiwa Cristo. Mataũtano saya cae wũntha nabautisabatsi xua Cristo pewũntha tatsi. <sup>6</sup>Mataũtano bara caein Nacom pon Waxa xua daxitatsi waxainchi. Bapon daxita jiwi canamataxeinatsi, mataũtano daxita carepaya nacuantha popona. Mataũtano daxita waxainchi carepaya naca barũ popona.

<sup>7</sup>Daxita waxainchitha seicaya cabarompaya naca cana jũntũ cui coyene duba exana pocotsi coyeneintha xua watsita exanaewa tsane bapon. Barapo coyenein Cristo naca catsiba po coyenein jiwana xua bapon nawita xeina icha bapon ichichipa. <sup>8</sup>Daxota Nacom Pejume Diwesitha jeye Cristo yabara:

“Bapon athabe juinya tajũ beicha.  
 Poxonae athabe juinya barũ juinya pomonae  
 pia peaitafaetabi jiwichi petsita  
 itapeinya xeinaenexa xua amanyaba  
 barapo peaitafaetabi jiwichi.  
 Mataũtano bapon pia pejume cowũntsiwichi  
 catsiba po jũntũ cui coyenewantha xua

barapomonaē Nacom petsita exanaenexatsi”,  
 jei Nacom Pejume Diwesitha.

<sup>9</sup> ¿Eta xua metha baxua caunuta poxonae  
 paeba xua “athabe juinya taj̃ beicha”? jei.  
 Baxua caunuta xua copiya matha Cristo po  
 irathe patopeica xua bapoxonae equeicha  
 caibe juinya athabeicha itaboco beicha.  
<sup>10</sup> Pon xua po irathe patopeica, barichi  
 bapon athabe juinya taj̃ beicha xua bapon  
 pepoponaewa tsane daxita nacuantha xuano  
 daxita itabocotha. <sup>11</sup> Cristo catsiba jiwitha  
 xua seicaya barompaya pẽnt̃ cui coyenein.  
 Ichamonaetha cana exana pomonaē pia peitorobi  
 jiwixae tatsi. Ichamonaetha cana exana pomonaē  
 pecueicueijẽ jiw̃ pia peitorobi jume diwesi  
 tatsi. Ichamonaetha cana exana pomonaē  
 xua pecueicueijẽ dubenanouts̃iw̃ Nacom pia  
 pexeinya jume diwesi tatsi xua pecapanenebiyae  
 diwesi jume. Ichamonaetha cana exana  
 pomonaē eena jiw̃ pomonaetha pomonaē  
 pejume cow̃ntsi jiw̃. Ichamonaetha cana  
 exana pomonaē xua pecuidubi jiw̃ pomonaetha  
 pomonaē pejume cow̃ntsiw̃. <sup>12</sup> Poxonae  
 barapo coyene Cristo exana, piamonaē cana  
 j̃nt̃ coyene wetsiya cana exana xua beta  
 petaexanaewa tsainchi pia petanacuichiwa tatsi.  
 Bapoxonae daxita piamonaē tatsi mataropeichiya  
 aj̃nt̃yap̃us̃ya jume cocow̃ntapona pomonaē  
 piamonaexae tatsi pomonaē bara be Cristo pia  
 pepon tatsi. <sup>13</sup> Baxua Cristo exana xua beya  
 waxainchi caemonaē wanaexanaewa tsainchi  
 xua caemonaē wanabar̃ jume cow̃ntsixaetsi  
 Cristotha. Bapoxonae naexanatsi xua pẽr̃ya

caemonae wanabarũ yabara yaputaewa tsainchi Nacom Pexanto tatsi. Mataũtano bapoxonae yatsicaya beta jume cowũntatsi, bapoxonae jinompatsi be pomonae bayatha pinyontsi xua pocotsimonae itacũpatsi xua Nacom beta petsita jinompaewatsi. Bapoxonae wajũntũ coyene naca cayabara cui wetsiya exana xua wajũntũ coyene xanepanaewa icha Cristo ichi xua bichocono pejũntũ coyene xanepanaewa.

<sup>14</sup> Bapoxonae jopa be pexui natsicotae tsainchi equeicha. Pexui ba ainya muxu xeina ichawa beya ba jume cowũnta xua pocotsi coyenein xua poxonae nacuidubeiba xua poxonae cuiduba pomonae jiwi pemuxuitorobiwi. Barapo pemuxuitorobi jiwi yaputane nawita po jũntũ coyeneintha xua jiwi pemuxujainyabiwatsi.

<sup>15</sup> Jame bewa pexainyei jume tsipaebichi ichamonaetha po coyeneya xua barapomonae yaputane xua waxainchi antobetsi barapomonae. Bapoxonae beta xanepanaya exanaeinchi wanajũntũ coyene xanepana exanaponaenexatsi daxita coyenewantha xua icha be Cristo ichi. Bapon canamataxeina pomonae pia pejume cowũntsiwichi. Bapon bara be pentasipa pomonae pejume cowũntsiwichi be bapon pepon tatsi.

<sup>16</sup> Cristo canamataxeina pia pejume cowũntsiwichi. Mataũtano cana exana xua barapomonae barompaya xeina pia petanacuichiwantsi. Bequein barapomonae piawan barompaya xeina ichitha Cristo cana exana xua caemonae nantiya nayawena be caemonae naexana. Poxonae barapomonae barompaya piawa beta exanapona pia

penacuichiwan, bapoxonae be caemonae beta naajuntꞫcoyenesꞫ xanepana eexanapona, nantiya penaantobexae.

*Meje yabara po pena juntꞫ coyenewatha waji-nompaewa wajume cowꞫntsixae Cristo*

<sup>17</sup> Anoxuae paca tsipaebatsi xua painya tapaca muxuwetsinexatsi, Cristo pon jiwi Pecanamataxeinaein taneitorobixae: Jopa bewa pajinompaem icha barapo cae pin nacuathepiwi ichi xua poxonae jinompa poxonae jopa Nacom yaputaetsi. Pocotsiwa xua barapomonae pia penanta xeinae coyenewan tatsi, jopa ainya cuiyo. Jopa pejuntꞫ coyene yawenaexaetsi barapo penanta xeinae coyenewantha. <sup>18</sup> Barapomonae pia peyaputae coyenewan tatsi jopa xapain pepa peyaputae coyenewiyo. Barapomonae jopa xeinaeyo peajuntꞫcoyenesꞫwa pocotsi peajuntꞫcoyenesꞫwa Nacom cata piamonae. Barapo coyene barapomonae jopa xeinaeyo poxoru aichaxaibi xua Nacom peyabara peyaputaewatsi, xuano poxoru barapomonae najuntꞫ coyene ararana xua jopa peichichipaexae xua Nacom peyabara jume taewatsi. <sup>19</sup> Barapomonae jopa ajuntꞫcoyeneuriyo poxonae abe exana. MataꞫtano barapomonae atsaꞫuiya abe eexanapona, xua pecꞫpaewatsi atsaxa mera yawa weiweina ichamonae piseurixitha tatsi. Barapomonae cui xeica xua daxita coyenewan abe peexanaponaewa. <sup>20</sup> Ichitha poxonae ichamonae yabara paca cuiduba Cristo, jopa apara paca cuidubiyo barapo coyene xua abe painya neexanaewa tsane. <sup>21</sup> Xaniwaicha yabara

pajume taneme Cristo, xuano piamonae tatsi painya nenaexanaewa poxonae ichamonae paca cuiduba po pexainyei jumein xua pexeinya jume diwesi xua Jesucristo yabara. <sup>22</sup> Pana nacui barapende po jũntũ coyene xua bayatha paexaname poxonae jopa cataunxuae pajume cowũntsim. Barapo jũntũ cui coyene bichocono abe, tsipei paca cana exana xua paexaname pocotsiwan xua painya coya paichichipame poxonae paca muxuitoroba exana xua daxota abe painya neexanaewam. <sup>23</sup> Pacopare xua bara Nacom paca jũntũ coyene xanepana exanaponaena, xua daxota pena coyene painya nenanta xeinaponaewa tsane. <sup>24</sup> Painompere pena jũntũ coyenetha, po jũntũ coyene Nacom exana xua painya paca catsibinexa. Baropoxonae paxeinaename be pocotsi jũntũ coyene Nacom xeina. Poxonae paxeiname barapo jũntũ coyene po jũntũ coyene xua pexainyeiwa, baropoxonae beta nantiya pana nabarũ jinompame yawa xua bichocono paca tsita xanepana Nacomtha.

<sup>25</sup> Daxota anoxuae jopa nantiya bewa pana namuxuitorobim. Bewa daxita pam xanepanaya patsipaebim pomonaetha pomonae irũ pejume cowũntsiwi, tsipei waxainchi daxitatsi caemonae naexanatsi Cristotha.

<sup>26</sup> Icha paanaepaname jopa pacopatsinde xua painya jũntũ coyene paca itoroba xua anaya anaepanaya abe painya neexanaewa ichũnthã. Icha paanaepaname jopa abe paexanaeinde. Came jopa paanaepana dubenanaebiyaeinde xua beya quirei tsanaicha, saya jame bara caetotha pande. <sup>27</sup> Jopa pacopatsinde xua bara caurimonae

pia pentacaponaein tatsi paca jũntũ coyene jũjũta abe painya neexanaewa tsane.

28 Pon xua pecaibin, bũ jopa equeicha caibeibiyo. Bewa jame bapon tsinacuichina pocotsiwa xua xainyeya yabara nacuita xua jopa naerabiyo. Bapoxonae bapon itacũpatsi xua ichamonaetha xuya catsina pomonaetha xua acopeibiwi pomonae jopa xeinaeyo xua pocotsiwa nantawenona.

29 Jopa ajumebeya pacueicueijam tsurubenanaebiyaeinde. Jame maisa jume xanepanaya pacueicueijam tsurubenanaebiyama. Papaebare pocotsi jumeintha xua ichamonae jume cocowũntapona exanatsi po jumeintha xua jiwi muxu xeica exanatsi xuano xua yawenatsi po jumein xua paca jume tane. 30 Nacom pia Pejumope tũnaxũ tatsi jopa pajũntũ coyene wecoyei exanaeinde xua painya nepaca cui taexae xua paexaname. Tsipei paca barũ popona Nacom pia Pejumope tũnaxũ tatsi, baraxua tsita itapeinya xeina xua bara xaniwaicha Nacom piamonae tatsi pam. Nacom pia Pejumope tũnaxũ tatsi naca jũntũ coyene ararana wanaca yawenaenexa beya poxonae po mataqueitha Jesucristo naca capanenebiya exanaena.

31 Jopa paxeinaeinde painya jũntũ coyenein weya po coyenein xua ichamonae payabara jũntũ ajom xua came bichocono painya neyabara nanta xeinaexae xua ichamonae abe pia pacata exanaexae. Mataũtano jopa paxeinaeinde po coyene xua jemeicha anaya paexaname. Mataũtano jopa paxeinaeinde po coyene xua saya bichocono

panthuthu anaepaneibame. Matautano jopa paxeinaeinde po coyene xua tsuḡḡ jume pabarḡ pae-bame ichamonae. Barichi jopa paxeinaeinde po coyene xua ichamonae pabiataneme. Matautano daxita jopa paxeinaeinde po coyenein xua bichocono paaitafaetabim ichamonae. <sup>32</sup> Jame seicaya maisa nantiya caemonae xanepanaya pana nata exande. Matautano nantiya pana nawey-ataema xua nantiya painya nenayawenaewam tsane. Matautano nantiya pana nacui yabara jḡntemainare xua abe nantiya pana nata exaname, icha Nacom paca yabara ichi xua paca cayabara jḡntemaina abe painya neexanae cuiru coyenein Cristo painya nepaca tsitḡpaexae poxonae naetotha tḡpa exanadutatsi poxonae bexotsi.

## 5

*Meje yabara xua po jḡntḡ coyeneyatha bewa jinompaena Nacom pia pexui tatsi*

<sup>1</sup> Tsipei paxam Nacom pia pexui tatsi pam xua bapon bichocono painya nepaca caantobe jiwi pam, daxota bewa pacui jontsiya jinompaename icha bapon ichi poxonae popona. <sup>2</sup> Nantiya pana naantobeya jinompare icha Cristo ichi xua naca antobe. Bapon Cristo pia pepon nacaenaeta xua naca tsitḡpa xua abe waexanae cuiru coyenein poxonae bexotsi. Baxua be poxonae icha duwei ichichi xua poxonae jiwi tsibexotsi xua daxota barapo jiwi jopa penatsicuentsiwa xua abe pe-xanaexae Nacomtha. Bapoxonae Nacom tsita xanepanatsi barapo jiwi. Barichi xua Cristo exana Nacom tsita xanepanatsi icha be pocotsi duwei



tuxusi xeicaewa ichi xua poxonae jiwi duwei tauta xua Nacom pecatsinexatsi.

<sup>3</sup> Tsipei paxam Nacom pia pexui tatsi pam, daxota jopa bewa paexanaem po coyenein xua daxota ichamonaе pomonaе painyamonaе paca yabara paeba xua abe paexaname. Matautano jopa bewa pana nasi cui matacaetsim xua paweiweiname xua jopa bequein painya seuri jiwi. Jopa bewa payabara paebim po jume xua jiwi aura exanatsi. Matautano jopa bewa bichocono painya ita copeichi xua payabara uwame xua ichamonaе xeina. <sup>4</sup> Jopa nantiya pana nayabara yuyjande. Matautano jopa nantiya pana najume cui caponaеinde po jumein xua jopa wunaeyo. Matautano jopa nantiya tsam jume pana nayabara paebinde. Daxita barapo coyenein bichocono abe. Jame maisa bewa itapeta Nacom wunaе pajainchim painya nepaca capanenebiyaexae barapo coyenein weya. <sup>5</sup> Tsipei paxam bayatha payaputaneme xua Nacom cana exanaena pomonaetha pomonaе meje: Pomonaе xua penasi cui matacaetsiwa xua jopa poxonaе piseuri jiwi, yawano pomonaе xua yabara paeba po jume xua jiwi aura exanatsi, yawano pomonaе bichocono pitacopeichi xua yabara uwa xua ichamonaе xeina. Nacom tsita abetsi barapo coyenein icha tsita ichichi xua poxonaе jiton bichocono beita cui jichatsi xua wunaе jainta ibo nacom. Pomonaе barapo coyenein exana bapomonaе bapana jopa itacupaetsi xua jiwi itorobiya peewatsiwatsi xua ichaxota Cristo itorobiya pecanamataxeinaewa jiwi xua iru

ichaxota barichi Nacom. <sup>6</sup> Jopa pacopatsinde xua ichamonae paca necamuxitorobiwa peyabara paebixae barapo coyenein, po jumeintha xua jopa xainyeyo. Poxoru jiwi peexanaexae barapo abe peexanae coyenein daxota Nacom anaya peraxa exanaena barapomonaetha. Nacom anaya peraxa exanaena barapomonaetha tsipei jopa jume jejeyo pocotsiwa xua Nacom itoroba. <sup>7</sup> Barapomonaetha jopa imoxoyo pacuicuinaeinde, pomonae Nacom jopa jume jejeichi.

<sup>8</sup> Paxam copitha abe paexaname jopa painya yabara yaputaexaem Nacom. Baxua be poxonae pomonae pona pequireiwatha jopa beta ponaeyo jopa beta penecotsixae. Ichitha anoxuae beta paexaname painya yabara yaputaexaem Nacom pon jiwi Pecanamataxeinaein. Baxua be poxonae pomonae pona, poxonae pentha, beta pona beta pia petaexae. Pajinompare beta painya nejinompaenexa Nacom nexa icha pomonae ichi poxonae pona poxonae pentha. <sup>9</sup> Pomonae yawa jinompa Nacom barapomonae beta jinompa icha pomonae ichi xua poxonae beta jinompa poxonae pentha. Barapomonae peyawa jinompaexae Nacom exaneiba pocotsiwa xua wɔnaeya peexanaewa yawa xua pocotsiwa tsita xanepanatsi Nacom, yawa xua pocotsiwa pexainyeiwa. <sup>10</sup> Incane pana nacuidubare pocotsiwa xua Nacom pon jiwi Pecanamataxeinaein ichichipa pocotsiwa Nacom tsita xanepanatsi. <sup>11</sup> Jopa paexanaeinde pocotsiwa jopa ainya cuiyo pocotsiwa ichamonae exana pomonae xua be poxonae pequireiwatha

jinompa poxoru Nacom jopa peyabara yaputaexaetsi. Jame maisa barapomonaе patsita itapeinya xeinare pocotsiwan xua barapomonaе abe peexanaewanxae. <sup>12</sup> Icha payabara paebichipan po coyenein barapomonaе abe peexanaewa, bichocono aura pana exanaetsipa pocotsiwa namicha peexanaewa barapomonaе tsipei bichocono abe. <sup>13</sup> Poxonaе pecoicha pentha exana poxonaе quirei bapoxonaе daxita pichiwan beta pataneme pentha perubenaexae. Barichi poxonaе barapomonaе jume tane po jumein xua yaputane exainchi, bapoxonaе tsita itapeinya xeinaeinchi xua pocotsiwa namicha exana, apara deta cou abe. Bapoxonaе barapomonaе itacupatsi xua naexanaena Nacom piamonaе tatsi. <sup>14</sup> Daxota Nacom piamonaе tatsi ichan yabara jeichi:

“Nacui cayabara cananta xeinatabare, tsipei xam be pon abe neexanaein. Natsixire pia xainya weya tatsi pomonaе be petupaewi pejinompaewi jopa tana nejume cowantsi jiwixae. Cristo cacana exanaena xua yabara neyaputaewa bapon pocotsiwa xua pia pexainyei coyenewa tatsi”,  
 jei xua ichan yabara paebatsi.

<sup>15</sup> Dota pam, xua abe painya neexanaewa. Jame maisa xanepanaya pajinompare. Jopa pajinompaeinde icha be ichi poxonaе jinompa pomonaе Nacom jopa jume cowantsiya yaputaetsi. Barapomonaе jopa peyaputaewi. Jame maisa pajinompare icha be ichi poxonaе jinompa pomonaе jume cowantsiya peyaputaewi

Nacom. Barapomonaē peyaputaewi. <sup>16</sup> Beta pa-eexanaponde daxita coyeneya xua paca itacapa poxonaē cataunxuae anoxuae pajinompame, tsipei barapo matacabintha jiwī abe bichocono peexanaewi. <sup>17</sup> Jopa pajinompaeinde icha be ichi poxonaē jinompa pomonaē amameibatsi jopa Nacom peyabara yaputaexaetsi. Jame maisa payaputaeya exanaponde pocotsiwa xua Cristo ichichipa, pon jiwī Pecanamataxeinaein. <sup>18</sup> Jopa pana nacapa exanaeinde peatsaxa meran xua jiton acoyenebeya exanaeya exainchi. Jame maisa Nacom pia Pejumope t̄nax̄ tatsi pacopabeibare xua daxita bara paca j̄nt̄ coyene itorobeiba xua beta painya neexaneibiwa tsane. <sup>19</sup> Nantiya pana natsipaebare pocotsiwa xua Nacom paca j̄nt̄ coyene weiweina exana. Nantiya pana nabaṝ nax̄nare David pia weixi, po weixi pew̄n salmos. Matātano panax̄nare po wei pomonaē pejume cow̄ntsiwī pia weixi tatsi xua pew̄nae jainchi weixi Jesucristoṭha, pon jiwī Pecanamataxeinaein. Panax̄nare painya j̄nt̄ coyene weya po weixi xua Nacom w̄nae pejainchiwatsi. <sup>20</sup> Nacom pon Waxa bapontha pajacobeibare, pajan tsaibinde: “Nacom maisa paj̄nt̄ coyene weiweinan xua pocotsiwa daxita pata tana necatsixaemxae. Paca w̄catsi Jesucristo pata Tanecanamataxeinaein pab̄x̄na bobenounan”, pajan tsaibinde.

*Mejeyabara po coyene xua pebin piseuribe bewa nabaṝ poponaenabe ponbe pejume cow̄ntsinbe*

<sup>21</sup> Daxita pam bewa bara pacopatsim xua nantiya pana nacanamataxeiname xua painya ne-

exaneibinexa pocotsiwa xua nantiya pana nacui itorobeibame. Bapoxonae xua painya itapeinya xeinaenexa xua painya nebarũ itura cui jinaewa pocotsiwa Cristo paca cui itoroba.

<sup>22</sup> Yabũxi pam, bewa bara pacopatsim xua painya seuriwi paca canamataxeina xua painya neexaneibiwa pocotsiwa painya seuriwi paca cui itorobeiba. Baraxua paexande icha paichim poxonae Cristo pon jiwi Pecanamataxeinaein paca cui itoroba. <sup>23</sup> Tsipei pebin canamataxeina piowa, icha Cristo ichi xua canamataxeina piamonae pomonae pia pejume cowũntsiwichixaetsi. Bapon Cristo barapomonae pia Pecapanenebiyaeinchi tatsi. Barapomonae pomonae pejume cowũntsiwi bara be Cristo pia pepon tatsi. Cristo bara be pentasipa pecanamataxeinaexae barapomonae. <sup>24</sup> Icha barapomonae ichi pomonae Cristo pejume cowũntsiwichi xua pichichi xua peexanaewa pocotsiwa Cristo itoroba, yabũxi bewa barichi. Bewa exanae daxita pocotsiwa piseuriwi itorobatsi.

<sup>25</sup> Pebiwi pam paantobeinde painya seuri jiwi, icha Cristo ichi xua antobe daxita xua i dapomonae pomonae pejume cowũntsiwichixaetsi. Cristo pia peantobexae barapomonae tsitapa poxonae naetotha tupa exanadutatsi poxonae bexotsi. <sup>26</sup> Cristo tsitapa barapomonae xua daxita i dapomonae pomonae peyabara jume cowũntsiwixaetsi po coyene xua Cristo jũntũ coyene xanepana pecana exanaenexa Nacom nexa. Baxua exana xua barapomonae jopa pexeinaewa tsane xua penatsicuentsiwa

xua abe peexanaexae. Baxua Cristo cana exana poxonaē barapomonaē tabautisabatsi meratha, xuano xua poxonaē paeba xua pinae jume cowanta Nacom Pejume Diwesi. <sup>27</sup> Cristo baxua exana daxita pomonaetha pomonaē pia pejume cowantsiwichi xua pecuaranobinexa tsane pia itabaratha, xua yawa pemuxuna cuaranobinexa pia pexeinya peitapanae coicha. Poxonaē barapomonaē umenaena Cristo peitabaratha jopa yawa umenae tsane peabe coyenewan. Matautano jopa yawa umenae tsane pocotsiwa xua barapomonaē abe exanatsi. Barapomonaē pejunta coyene xanepanaewi tsane Nacomtha xua jopa xeinaeyo xua penatsicuentisiwa xua abe peexanaexae. <sup>28</sup> Pebiwi bewa antobe pia seuriwi, pecui antabexae icha barapo pebiwi ichi xua pia pepon natsiantabe. Pon pia coutha natsiantabe bapon piowa antobe xua be caein penaexanaewa tsanebe. <sup>29</sup> Dapon ba ajibi pon pia coutha naaitafaetabi. Saya jame naapatsina pexaewa yawano naewatsina beta. Cristo bara jeta ichiya cana ichi pomonaē Nacom piamonaē tatsi daxita xua i dapomonaē pomonaē Cristo pejume cowantsiwichixaetsi. <sup>30</sup> Cristo beta eena barapomonaē tsipei barapomonaē be pia pepon tatsi. Waxainchi yaputainchi baxua tsipei barapomonaē jiwanatsi. Waxainchi pomonaetsi xua caemonaē wanaexanaē jiwichi Cristotha. <sup>31</sup> Xua pebin yawa piseuri caein naexanabe Nacom Pejume Diwesitha baxua yabara jeye: “Daxota pebin paxa wepu natsata, yawa pena wepu natsata xua piseuribe penaperu cuicuinaenexabe. Bapoxonaē baponbe piseuribe

be caein naexanabe”, jei Nacom Pejume Diwesitha. <sup>32</sup> Barapo Nacom Pejume Diwesi xua pebin piseuribe yabara baraxua bara be Nacom moya yawun xeina xua po coyene bichocono ainya cui xua jiwi jopa yabara yaputaeyo. Barapo diwesi yabara caunuta xua Cristo iru Nacom piamonae tatsi pomonae pejume cowantsiwichi, daxita be caemonae naexana icha pebin piseuribe ichi xua be caeinbe naexanabe. <sup>33</sup> Barichi barapo diwesi paca yabara caunuta. Daxita pebiwi pam bewa paantobem painya seuriwi, icha paichim xua painya coutha pana natsiantabem. Barichi daxita yabuxi pam painya seuriwi bewa paca yabara baru cui itura jinaena.

## 6

<sup>1</sup> Pexui pam, paxam pomonae painya nejume cowantsi jiwi pam Cristo. Painya neantobemxae pon jiwi Pecanamataxeinaein daxota paxam bewa pajume baru jejam pocotsiwa painya axeiwi paca itoroba, tsipei baxua pexeinya cui coyene. <sup>2-3</sup> Moisés pia peitorobi coyenewa ainya coyenewan xeina. Po peitorobi coyenewa copiya po peitorobi coyene xua ichaxota muxuna xeina xua peyabara tsiwanae muxu dutsiwa, barapo coyenewatha baxua jeye: “Axa cui baru itura jinare, yawa ena cui baru itura jinare, xua painya juntu coyene xanepanaya jinompaenexa, matautano xua painya nejinompaenexa ainya wei dapaein barapo cae pin nacuathe”, jei Moisés pia peitorobi coyenewatha.

<sup>4</sup> Paxam pomonae coxiyei jiwi pam, jopa anaepanaya paitorobeibinde xua daxota

painya pexui paca caseba. Jame maisa bewa antobeya pawichitim pocotsi coyeneya Jesucristo, pon jiwí Pecanamataxeinaein, tsita xanepanatsi. Pacuidubare painya pexui xua beta pejinompaenexa. Matautano pamuxuwere xua peexanaenexa pocotsiwa bewa exanae.

<sup>5</sup> Pomonae amanaya painya nepaca cabusi tatayebeibi jiwí pam xua poxonae ichamonae pata nacuitame pajume baru jejanđe pocotsiwa xua painya nepaca canamataxeinaewi paca itoroba barapo cae pin nacuathe. Barapomonae pabarui cui itura jinare, yawano pacui cunuware barapo painya nepaca canamataxeinaewi xua abe painya nepaca exanaeyainwa. Matautano yatsicaya jume xainyeya pata exande. Barapomonae beta patanacuire icha poxonae paichim poxonae Cristo patanacuitame.

<sup>6</sup> Daunweya patanacuire bequein painya nepaca canamataxeinaewi jopa paca taeyo. Jopa saya daunweya patanacuichinde xua barapomonae painya nepaca taexae. Poxonae baxua paexaname apara saya poxoru painya pia nepaca canamataxeinaewi xanepanaya paca yabara nanta xeinaetsi. Jame maisa patanacuire icha paichim poxonae painya ichichi xua amanaya painya netanacuichiwa painya nepaca canamataxeinaein nexa Cristo. Bichocono daunweya panacuire pocotsiwa xua Nacom tsita xanepanatsi pocotsiwa xua bapon ichichipa. <sup>7</sup> Poxonae pata nacuitame pomonae painya nepaca canamataxeinaewi weiweinaya panacuire icha be poxonae paichim xua poxonae pata nacuitame pon jiwí Pecanamataxeinaein,



pon Cristo Jesús. Jopa bara paichinde xua poxonae jopa xapain patanacuichim pomonae xua poxoru saya jiwixae. <sup>8</sup> Paxam payaputaneme pocotsiwa xua daxita beta paexaname bara Nacom paca busi cui matomata. Baraxua Nacom pon jiwi Pecanamataxeinaein jupa barapocotsi matoma paca cata, poxonae bequein amanaya painya nepaca busi cui tatayebeibi jiwi pam xua poxonae ichan pata nacuitame, xuano xua saya poxonae bequein paratixi patsinacuitame.

<sup>9</sup> Paxam pomonae pecanamataxeinae jiwi pam, bewa beta pata exanaem xuya barapo amanaya painya nebusi cui tatayebeibi jiwi. Jopa yabara pamuxuwetsinde xua painya necuainchiwa tsane icha jopa xapain exanaeyo barapomonae. Pananta xeinare xua barapomonae bewa exanae pocotsiwa itoroba pon jiwi Pecanamataxeinaein icha paichim xua iru bewa paexanaename pocotsiwa bapon paca itoroba, pon eca itabocotha. Bapon daxita tsita najupatsi jiwi poxonae yabara paeba peyaputaenexa icha barapomonae natsicuenta xua abe peexanaexae.

*Meje yabara xua pomonae pejume cowantsiwi Cristo po coyeneintha bewa amanayabi caurimon-aetha*

<sup>10</sup> Tamonae pam, anoxuae wetan pocotsiwa xua tapaca tsipaebiwatsi. Ajuntusuya pajinompare pon Pecanamataxeinaein jiwi pia peayapusu itorobi coyenewatha tatsi caemonae painya ne-naexanaexae bapontha. <sup>11</sup> Painya juntu coyene pana naewatsiya yawenare daxita po coyenewantha xua Nacom paca cata xua xota pana nayae-

watame painya jũntũ coyenewa. Baropoxonae paca itacũpa xua caurimonae pia pentacaponaein tatsi paamanayabame poxonae paca jũntũ coyene jũjũta xua abe painya neexanaenexa. <sup>12</sup> Tsipei anoxuae jopa nabetsi xua pepa jiwitha. Jame apara anoxuae penabi coyene exanatsi pomonaetha pomonae peinya pejinompaewi xua caurimonaetha. Barapo caurimonae xeina pia peayapusũwa yawa peitorobi coyene xua jiwi canamataxeinatsi barapo cae pin nacuathe tsique, pomonae abe peexanae jiwi. Mataũtano jinompa barapo cae pin nacua matatsunthe. <sup>13</sup> Daxota paxeinare daxita pocotsi jũntũ coyenein xua Nacom paca cata pocotsi coyeneintha xua pana nayaewatame. Anoxuae pana najũntũ coyene wũnaere xua painya jũntũ coyene amanayabi dubenanaebiyaenexa tsane barapo peinya pejinompaewi. Baxua paexande xain awiya bichocono rajũntũ coyene daunwam poxonae po mataqueitha paca jũntũ coyene jũjũtsina xua abe painya neexanaewa tsane. Bequein paca jũjũtsina, awiya ajũntũcoyenesũya rajinompaename.

<sup>14</sup> Pana nacui wũnare icha soldadomonae ichi xua yabara nacui wũnaeta penabinexa ichamonaetha. Painya jũntũ coyenewatha paxeinare Nacom pia pexainyei coyenewa painya tsita itapeinya xeinaenexa baraxua xua bara xainyeya pata exaname Nacom. Barapocotsi jũta coyeneya paichinde icha be soldadomonae ichi xua poxonae yabara nacui wũnaeta penabinexa ichamonaetha baropoxonae naepa catũrũba paparuwan xua tsita itapeinya

xeina xua bapomonae nacui w̄naeta xua bara xainyeya penabinexa xua pon pentacaponaein peitorobixae. Matautano pej̄nt̄u coyene xanepanaewa Nacom patsita xeinare painya j̄nt̄u coyenetha, painya nenayaewatsinexa icha be poxonae soldadomonae ichi xua xeina po penaintohta xua nantacari acaba poxonae nacui w̄naeta xua penabinexa. <sup>15</sup> Pana naj̄nt̄u coyene w̄naere xua painya necueicueijej̄i tsurubenanaebiyaenexa Nacom pia pexeinya jume diwesi xua po diwesi yabara xua jiwi j̄nt̄ema pejinompaewa. Barapocotsi j̄ta coyeneya bara paichinde icha be poxonae soldadomonae ichi, xua poxonae nataxu w̄naetaduba sapaton xua penacui w̄naetsinexa xua naba. <sup>16</sup> Matautano pamuxuna xeinare xua bichocono painya nejume cowantsiwa Nacom, xua pana naj̄nt̄u coyene yawename poxonae caurimonae pia pentacaponaein tatsi paca j̄nt̄u coyene j̄j̄ta. Barapocotsi j̄ta coyeneya bara paichinde icha be soldadomonae ichi xua pemaɣ̄ntha duba peperacae nain xua naita arababa. Poxonae pia peaitafaetabi jiwi cawababatsi pocotsiwantha xua peopi sojeiwantha xua iso itere xeina, bapoxonae barapo peperacae naintontha naita arababa barapomonae, yawano baxota itaxubaba iso itere. <sup>17</sup> Pacopare xua bara Nacom paca capanenebiyaena painya paca j̄nt̄u coyene araranaenexa caurimonae pecuiyainwa. Barapocotsi j̄ta coyeneya bara paichinde icha be soldadomonae ichi xua penain yoreitha nanta acaba. Nacom Pejume Diwesi painya j̄nt̄u

coyenetha paxeinare xua po jume Nacom pia Pejumope тѳnaxн tatsi paca cata xua po jumetha painya nenayaewatsinexa painya nepaca caaitafaetabi jiwi pecuiyainwa. Barapocotsi juta coyeneya bara paichinde icha be soldadomonae ichi xua capona cusi penayaewatsinexa pia peaitafaetabi jiwichi pecuiyainwa. <sup>18</sup> Nacomtha matowa patsipaebeibare daxita matabintha be pocotsi coyeneya paca yawena Nacom pia Pejumope тѳnaxн tatsi. Nacomtha pawнqueibare daxita painya newнcae coyewetha tsaibi pocotsiwan xua panantawenoname. Xain daxita matabintha tsaibi tsaca painompeibame, matauta bapana jopa paajнтнcoyenefaetabinde xua pawнcame Nacom. Bichocono matowa patawнcare daxita pomonae Nacom piamonae tatsi. <sup>19</sup> Barichi painta wнcare Nacomtha xua bapon tanecatsinexa po jume diwesitha xua tacueicueijeinexa. Matautano painta wнcare xua tana neitacнpaewa xua cui tsacatsacapiya tacueicueijeinexa, xua jiwi yabara yaputane taexanaenexa pocotsiwa xua Nacom moya yawнn xeina po coyene yabara xua Nacom capanepa exana pomonae jopa judiomonae naexanaeyo. <sup>20</sup> Nacom neitoroba icha nacuantha xua tacueicueijeinexa Nacom Pejume Diwesi bapon nexa. Daxota anoxuae ichamonae neeta jiwi pecнbi botha tacueicueijeixae Nacom nexa. Painta Nacomtha wнcare xua cui tsacatsacapiya tacueicueijeinexa tsane poxonae icha bewa cueicueijan tsane.

*Meje yabara poxonae Pablo najume wetsiya*

*paeba barapo cartathe*

<sup>21</sup> Tíquico pon paxan paantobein, pon ir<sub>u</sub> pejume cow<sub>u</sub>ntsin Jesucristo bapon pacata itorobatsi. Bapon Tíquico bara xainyeya exana p<sub>o</sub>xonae pana neyawena Nacom pia petanacuichiwa tatsi pon jiwi Pecanamataxeinaein. Bapon daxita paca tsipaebina xua neyabara paebina, yawano pocotsiwa xua exanan baxua yabara paca tsipaebina. <sup>22</sup> Bapon Tíquico pacata itorobatsi yaitama ichichipan xua bapon yabara paca tsipaebina xua pata jinompaewa. Bapoxonae bapon paca j<sub>u</sub>nt<sub>u</sub> coyene tsacabina, j<sub>u</sub>nt<sub>u</sub> coyene weiweinaya sad<sub>u</sub>jei painya nejinompaewa tsane xua bara beta tapoponaexae.

<sup>23</sup> Barab<sub>u</sub> Nacom, pon Waxa, ir<sub>u</sub> Jesucristo, pon jiwi Pecanamataxeinaein, baponbe j<sub>u</sub>ntema jinompa cana exanaenabe pomonaetha daxita pomonae pia pejume cow<sub>u</sub>ntsiwixaetsi. Mata<sub>u</sub>tano barab<sub>u</sub> exanaenabe xua barapomonae nantiya naantobe tsane. Mata<sub>u</sub>tano barab<sub>u</sub> exanaenabe xua barapomonae aj<sub>u</sub>nt<sub>u</sub>coyenes<sub>u</sub>ya jume cow<sub>u</sub>nta dubenanaebiyaena. <sup>24</sup> Mata<sub>u</sub>tano barab<sub>u</sub> Nacom peantobexae yawenaena daxita pomonaetha pomonae peantobewi Jesucristo pon Wanacanamataxeinaein. Bapoxonae barapomonae pexeinaenexa tsane po coyene antobe ichamonaetha po coyenewa xua ataya tsiteca.

Baja Pablo.

**Nacom Pejume Diwesi po diwesi pena jume  
diwesi xua Jesucristo yabara tinatsi  
New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

**Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

**The New Testament**

in Cuiba

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

---

PDF generated using Haiola and XeLaTeX on 11 Nov 2022 from source files  
dated 29 Jan 2022  
e9c4c3a0-6dec-54a4-aaba-fb395e5eddc7